

продать, или в насажение дать, или променить поруку велможа некоего, или иному человеку отдать на время, уреченое, да будет отменно сие отдавание по правилам святых апостол, глаголющему всех церковных вещей епископ да имать попечение, и да управляет тая акы богувидящих, ниже лепо есть ему присвоити что от тех, или сродником своим, яже суть божиа, даровати, аще же убози суть, да подасть им акы убогим, и да не<sup>а</sup> || их ради, яже суть божиа, продать. Аще же вину вносить, яко убыток творить и ничто к угодию бывати стяжанию, ни тако велможам в тех местех бывающих, да продать место то, но или клюриком, или земледелателем. Аще же коварьством злым обычествуют и у земледелца или клирика купить велможа то стяжание, и тако ни во что будет продание то, и стяжание отдасться епископии или монастырю, а епископ или игумен сие сътворивый, изгонится, епископ убо от епископства, ли игумен от игуменьства, акы расточившиа, яже не събраша. Толк. Рече Моисеом бог: Приносимаа богу да не прменяется, но неподвижна да пребудут, аще<sup>м</sup> || и хужьша суть, за еже прменяются; аще же глаголеть прменяа, прмениши то, да будет то и вымененое свято господева. Глаголеть бо правило: Не прдаться ниже отдаться от епископа или игумена какову нибуди человеку самоплоднаго стяжания епископа или монастыря; аще же ни, да будет ни во что оно продание или отдание. По 38-му правилу апостольскому прилагает же яко, аще вину вводить епископ или игумен стяжанию быти бесприхода и церквам убыток наносящу, отдавание убо то да будет, обаче не велможам, но клириком или поселяном. Понеже бо можаху неции превратити правила повелеша отци, ако аще некогда коварьством приидеть в силнаго руку церковная вещь по ||<sup>н</sup> средством простаго человека или клирика, показавшим себе, взяти оно неподвижное стяжание, да и сице ни во что да будет съдеаннаа, и да отдадутся церкви неподвижнаа, изъгнати же ся и сие сътворив епископу или игумену от епископа или игуменьства. И правило убо сие повелевает, понеже бо самоплоднаа стяжания суть коа теми вещьми, аки от себеносящаа плоды, яко же сие соленая места, маслины, винограды, пожни, мельницы, сараи, и прочая подобная.

Въпросить же кто о сицевых самоплодных, повелевает правило, или о всяком неподвижном добрых приходы имущем, и глаголем, яко о обоих повелевает, и глаголеть неподвижнаа убо благоприходная, яко же самоплоднаа, да не продадутся || и не отдадутся, кое же истинною, а не лицемерьством, без прихода стяжание будет, да отдасться. Сего ради аще самоплодная отнюдь будет негодна, нечто же место поженное, аще потопает от речнаго наводнения, или приградие селное,<sup>о</sup> аще насельники обитаемо внове, добро приходно будет, сие убо ради доброприходиа да не продасться, тоже аще и самоплодно глаголалешся отдасться, зане угодие и лишение прихода, не бо нарицания ради, но прихода ради имеють продатися или ни. А еже приход имеющее не продаются, коя же не имеють по нужи належащей, церквам продаются, яве показуется от 26-го правила карфагенскаго събора попускающу сия, но с рассуждением. || Тако же и великий Кирил в второй главе послание его к Домну непродоаемо быти повелевает священныя съсуды и неподвижнаа стяжание церковная, но и сие правилом карфагенскаго събора разум.

<sup>а</sup> На нижнем поле л. 520 об. киноварью написано августа 1-й. <sup>м</sup> На нижнем поле л. 521 киноварью написано и на Семен день. <sup>н</sup> На нижнем поле л. 521 об. киноварью написано летопрвожение. <sup>о</sup> К словам приградие селное на нижнем поле тою же рукою, которой написан основной текст, сделано примечание: сие глькуется проастион, сиречь пашни и виногради, а не села с житейскими христианы. К этому примечанию тою же рукою сделано примечание на боковом поле: агрос толкуется на трое: сиречь село, где люди живут, и паки виноград и пашни без людей, яже преградие зовутся, и третие — дуги.